

1871.
16. júní.

með jarðarpörtum þeim, sem settar voru að veði fyrir kröfunum, nema 5 rd. til Möðrufells spítala, sem hlutaðeigandi borgunarmaður mun greiða. Jafnframt þessu hefir amtið farið þess á leit, að nokkrir af hinum fyrri eigendum að þessum jarðarpörtum, sem hið opinbera hefir tekið við, fyrir 1625 rd. í allt, hafi borið upp þá spurningu, hvort þeim leyfðist að leysa aptur jarðirnar, og hefir amtið, sökum þess, að það er miður hagfellt fyrir hið opinbera, að eiga þess konar jarðarparta, sem síður verða byggðir mönnum sérstaklega hver um sig, og sökum þess, að það þykir sanngjarnt, að þeir, sem hafa gengið í borgun fyrir Svein Þórarinsson, hafi sem minnstan skaða af því, stungið upp á, að því sé veittur myndugleiki til að láta tæða jarðarparta af hendi við borgunarmennina eða börn þeirra fyrir svo mikið, sem hæst var boðið í þá við uppboðið, sem haldið var fyrir hönd rikissjóðsins, með því skilyrði, að kaupendur þegar borgi $\frac{2}{5}$ af andvirðinu, og gefi skuldabréf fyrir hinum $\frac{3}{5}$ pörtunum með fyrsta veðrætti í jarðarpörtunum, greiði í vöxtu 4 rd. af hundraði á ári, og borgi $\frac{1}{10}$ part af skuldinni í gjalddaga í júnímánuði hvers árs.

Útaf þessu gefst yður, herra amtmaður, til vitundar, yður til leiðbeiningar og svo þér gjörð þær ráðstafanir, sem með þarf, að stjórnarráðið fellst á uppástungu amtsins, þannig, að skuldabréfin skuli hljóða uppá dómsmálastjórnina fyrir hönd þess opinbera.

Um þær ráðstafanir, sem gjörðar verða í þessu efni, býst stjórnarráðið við skýrslu frá yður.

16. júní.

45. Bréf dómsmálastjórnarinnar til amtmannsins yfir vesturumdæminu, um kvartanir yfir skemmdum á eggvarpi í Grundarfirði.

Útaf bænarskrá, sem þér, herra amtmaður, hafið sent hingað með bréfi 29. janúar þ. á., þar sem Helgi prestur Sigurðsson að Setbergi í Snæfellsnessýslu ber sig upp undan því, að frakkneskir fiskimenn hafi gjört óspektir, og einkum undan því, að skipverjar

af skipinu *Marie Desirée* hafi skemmt æðarvarpið á eyjunni í Grundarfirði, sem heyrir prestakallinu til, mælumst vèr til þess, að þèr látið halda lögreglupróf, til þess að skýra málið, með því stjórnarráðið á ekki hægt með eptir skýrslum þeim, sem því hafa borizt um þetta atvik, að gjöra nokkra ráðstöfun til að útvega þeim bætur, sem fyrir skaðanum hefir orðið.

1871.
16. júní.

46. Brèf dómsmálastjórnarinnar utanríkisstjórnarinnar, um bjarglaun fyrir strandað skip.

17. júní.

Í sambandi við brèf dómsmálastjórnarinnar 24. janúar þ. á. sendum vèr utanríkisstjórninni eptirrit af aðalreikningi, sem norður- og austuramtið hefir sent hingað, um strand frakkneska fiskiskipsins *Emilie, D. 53* frá Dunkerque, ásamt tilheyrandi fylgiskjölum. Samkvæmt þessum aðalreikningi hefir skipið selzt fyrir 1129 rd. 84 sk., en samkvæmt fylgiskjölum 5—7, 8, 9, 10 og 12 VI hafa bjarglaun og kostnaður við sölu skipsins m. fl. orðið 389 rd. 92 sk., og eptir fylgiskjölum 9 og 12 I—V, eru 584 rd. gengnir til viðurværis skipstjórnarmanni og skipverjum, til heimfarar kostnaðar, m. fl. Eins og utanríkisstjórnina mun reka minni til, höfðu hinir ensku skipstjórnarmenn, sem fundu skipið yfirgefið af skipshöfninni $\frac{3}{4}$ mílu undan landi, heimtað bjarglaun, og ber þeim þessvegna, eptir N. L. 4—4—5, þriðjungur af því, sem bjargað var. Kostnaðurinn til viðurværis skipshafnarinnar m. fl. varðar nú eigi þá, sem björguðu skipinu, en þeir verða fyrir sitt leyti að taka þátt í kostnaðinum við sölu skipsins og viðhald á því, verður þessvegna að draga þessa 389 rd. 92 sk. frá þeim 1129 rd. 84 sk. sem skipið seldist fyrir, og þá eiga þeir $\frac{1}{3}$ af 739 rd. 88 sk. eða 246 rd. 61 sk. En eins og aðalreikningurinn og fylgisskjöl 9 og 12 I—VI sýna, eru af því, sem fékkst fyrir skipið við uppboðið, borgaðir í allt 646 rd. 40 sk.¹ til kostnaðar,

¹) Auk þeirra 584 rd., sem fyr eru nefndir, eru eptir fylgiskjölunum borgaðir 50 rd. og í annað skipti 12 rd. 40 sk.